



UNIVERSITÄTS-
BIBLIOTHEK
PADERBORN

Universitätsbibliothek Paderborn

Metropolis Salisbvr gensis

Continens. Fvndationes Et Erectiones Monasteriorvm, Et Ecclesiarum
Collegiatarum, &c. per Boiarum, ac loca quædam vicina

Hund, Wiguleus

Monachii, 1620

Fundatio Ecclesiae Slagen.

urn:nbn:de:hbz:466:1-13591

Fundatio Ecclesiæ Slagen.

Rudigerus Dei gratia Patav. Ecclesiæ Episcopus, omnibus tam præsentibus⁹ quam futuris salutem in eo qui est vera salus. Ad noticiam omnium cupimus peruenire, quod Chalohus de Valchenstein ministerialis Ecclesiæ nostræ in loco qui vocatur *Slag* fundavit Cœnobium ad honorem Dei & genitricis suæ *Mariæ* cum consensu & voluntate prædecessoris nostri beate memorie *Wolfke* Fundatricem igitur illam filius suus *Chunn*. in nostra præsentia renouavit, & in hoc mag. roboravit, quod à jure aduocatiæ recessit, & sine omni vtilitate promisit eundem locum ipse & sui successores defendere & injurias proclamare. Præterea partem decimationis, quam in illis bonis habuit, nobis voluntariè resignan. & nos easdem decimas ad petitionem ipsius *Chunn*. tradidimus illi loco. Cœnobium inquam illud Ecclesiæ & decimas cum omnibus attinentiis⁹ cultis & incultis tam in *Barv*. quàm in *Austria*, nos conferimus ac committimus pleno jure, dilecto in Christo fratri nostro Præposito in *Osterbouen* tam in spiritalibus quàm in temporalibus, vt ipsum regat secundum regulam beati *Augustini* & ordinem *Præmonstrat*. Quicumque ergo Cœnobium illud in captura piscium, succisione arborum, vel qualicumque modo in redditibus suis habitis & habendis indebitè læserit vel damnificauerit malitiosè, idem summam excommunicationis beatorum Apostolorum *Petri* & *Pauli* ac etiam nostram se noverit incurrisse. Vt autem hæc fundatio permaneat inconuulsa & ne hæredes prædicti *Chunn*. præsumant eam in aliquo aggrauare, nos præsens priuilegium sigillo nostro & Capituli, ac etiam ipsius *Chunn*. & testium subscriptione fecimus⁹ communiri. Hi sunt testes: *Chunn* Decanus *Patav*. *Godfridus* Archidiaconus & Thesaurarius, *Chunn*. Templebanus, *Eberhardus* de *Veuhthenpach*, *Rugerus* de *Lonsorf*, *Meingotus* de *Waldecke*, *Heinr. Zobelinus*. *Chunn*. Decanus *Ratisson*. & Canonicus⁹ *Patav*. Ministeriales Ecclesiæ *Pat*. *Chunn*. de *Valchenstein*, *Ortolfus* & *Heinr* fratres de *Waldecke*, *Pilgrimus* de *Tannberch* & alij quam plures. Dat. *Pat*. anno Domini cæ Incarnationis M. CC. XXXVI.

Templebanus,
nm. Domini
pfarer.

De Muta & Theolon, in Austria.

Fridericus Dei gratia Dux *Austria* & *Styria* & Dominus *Carniola* omnibus inspecturis hanc paginam in perpetuum, solite benignitatis affectu opera charitatis quæ felicis recordationis progenitores nostri specialiter pro libertate Ecclesiarum quarumlibet quæ in nostro dominio sunt constitutæ facere dinoscuntur, firmare, conseruare, augmentare pariter cupientes, tenore præsentium notum fieri volumus vniuersis quod non solum ex instrumento & non immerito inclinamur ad singula conseruanda quæ vel compensando aut de mera liberalitate dicti progenitores nostri quomodolibet fecisse videntur assurgimus⁹ cum affectu verum etiam diuinitus stimulatî singulis ecclesiis de gratia speciali nostris temporibus taliter adesse volumus & prodesse vt & nos ex his & aliis quæ fecerimus Domino inspirante mereamur fieri participes regni Dei pensatis igitur præmissis feliciter atque digne fratribus Ecclesiæ in *Osterhouen* fauorabiliter indulgemus, vt singulis annis omnia victualia sua tam per aquam quam per terram nostram ad Cœnobium suum libere ducere debeant, sine omni theloneo atque muta: vt autem hujusmodi gratia fratribus & dictæ Ecclesiæ per nos⁹ facta perpetuo debeat conseruari, præsentem paginam in euidentem testimonium sigilli nostri munimine iussimus roborari. Acta sunt hæc *Pat*. Anno Domini M. CC. XLI. pridie Kln. Martij.

De